

- in ipsa inesset forma, haec formam exstinguerent.
 ill' quī illam amabat fidicinam tantummodo
 60 "satis" inquit "scitast"; noster vero . . . *DA.* iam scio: 110
 amare coepit. *GE.* scin quam? quo ēvadat vide.
 postridie ad anum recta pergit: obsecrat
 ut sibi ēiu' faciat copiam. illa enim se negat
 neque eum aequum facere ait: illam civem esse Atticam,
 65 bonam bonis prognatam: sī ūxorem velit, 115
 lege id licere facere: sin aliter, negat.
 noster quid ageret nescire: et illam ducere
 cupiebat et metuebat absentem patrem.
DA. non, si redisset, ēi pater veniam daret?
 70 *GE.* ille indotatam virginem atque ignobilem 120
 daret illi? numquam faceret. *DA.* quid fit denique?
GE. quid fiat? est parasitu' quidam Phormio,
 homo confidens: qui illum di omnes perduint!
DA. quid īs fecit? *GE.* hoc consilium quod dicam dedit:
 75 "lex est ut orbae, qui sint genere proxumi, 125
 īs nubant, et illos ducere eadem haec lex iubet.
 ego te cognatum dicam et tibi scribam dicam;
 paternum amicum me adsimulabo virginis:
 ad iudices veniemū': qui fuerit pater,
 80 quae mater, qui cognata tibi sit, omnia haec 130
 configam, quod erit mihi bonum atque commodum;
 quom tu horum nil refelles vincam scilicet:
 pater aderit: mihi paratae lites: quid mea?
 illa quidem nostra erit." *DA.* iocularem audaciam!
 85 *GE.* persuasit homini: factumst: ventumst: vincimur: 135